

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der heylig Brotkorb der heil. römischen Reliquien oder würdigen Heiligthumbes Procken

Calvin, Jean

Christlingen [i.e. Straßburg], 1601

Der Zehend Keyser zu Rom

[urn:nbn:de:bsz:31-109542](https://nbn-resolving.org/urn:nbn:de:bsz:31-109542)

Wunders wunder

Rom vnd ließ seinen Sohn Titum mit einem grossen Heer vor Jerusalem. Es waren auß allen andern Castellten vnd Stätten die Juden geflohen gehn Jerusalem vnd es ward inn der Statt so grosser Hunger / daß auch die Leut von Hunger starben / vnd die Frauen tödteten ihre Kinder / vnd assen die vor Hunger / Titus der gewan die Statt / vnd zerbrach sie. Er ließ nicht einem Stein auff dem andern. Vnd erschlugen viel Juden / vnd siengen viel der Juden / die verkaufften sie / vnd führten sie vber Meer in alle Land / vnd gaben je dreissig Juden vmb einen Pfening.

Der neundte Keyser zu Rom.

Titus ward Keyser nach seinem Vatter / vnd regieret drey jar. Er war milte vnd tugendhafftig. Da er gestorb / da klaget man ihn sehr.

Der Zehend Keyser zu Rom.

Domitianus regieret sechszen Jar. Er war Titus Bruder. Als fromb sein Vatter vnd Bruder gewesen / hinwider war der so böß. Er nannte sich Gott. Vnd war ein durchächter der Christen. Vnd verschicket Sanct Johannem vnd viel Christen inn das ellend. Vnd er ward von seinen eigenen Freunden erschlagen / vnd schändlich begraben.

Der eylffte Keyser zu Rom.

Nerva war Keyser / vnd regieret nur ein Jar / vnd wideruffet alles das / was Domitianus gerhan het. Sanct Johannes Evangelista kam wieder auß dem ellend. der Keyser starb.

Der